

Brisel, 27. maj 2010.

Evropska komisija predlaže ukidanje kratkoročnih viza za građane Albanije i Bosne i Hercegovine

Cilj prijedloga

Cilj prijedloga je da se pojednostavi putovanje u zemlje Evropske unije koje sudjeluju u zajedničkoj viznoj politici i one zemlje koje su vezane za Šengenski prostor, za građane Albanije i Bosne i Hercegovine, ukidajući obaveze za podnošenje zahtjeva za kratkoročne vize (do 90 dana) za one koji posjeduju biometrijski pasoš.

Prijedlog Evropske komisije je rezultat rada koji je trajao više od dvije godine u okviru dijaloga o viznoj liberalizaciji koji je počeo sa ovim zemljama u prvoj polovini 2008. godine.

Istorija

U kontekstu Zapadnog Balkana, politički cilj bezviznog režima je uspostavljen na Evropskom vijeću u Solunu 2003. godine.

Kao prvi korak ka bezviznom režimu, tadašnja Evropska zajednica je zaključila vizne olakšice i sporazume o readmisiji sa **Bosnom i Hercegovinom, Bivšom Jugoslovenskom Republikom Makedonijom, Crnom Gorom, Srbijom i Albanijom.**

U skladu sa zaključcima Vijeća od decembra 2007. godine, dijalog o viznoj liberalizaciji je otvoren sa svih pet zemalja u narednim mjesecima. Ovi dijalozi su zasnovani na ispunjavanju uslova iz mapa puta. Provođenje je redovno i temeljito ocjenjivala Evropska komisija uz pomoć ekspertnih misija zemalja članica Evropske unije.

Napredak je omogućio ukidanje viznih obaveza za Bivšu Jugoslovensku Republiku Makedoniju, Crnu Goru i Srbiju u decembru 2009. godine.

Na koje se zemlje odnosi ovaj prijedlog?

- Sve zemlje EU koje učestvuju u viznoj politici EU: sve zemlje EU osim Irske i Velike Britanije
- Zemlje koje su povezane sa Šengenskim prostorom: Švicarska, Norveška i Island.

Kako je vršeno ocjenjivanje?

Na osnovu mapa puta koje je predstavila Evropska unija, Albanija i Bosna i Hercegovina su ostvarile značajan napredak u poboljšanju sigurnosti pasoša, u jačanju kontrole na granicama, u osnaživanju institucionalnog okvira za borbu protiv organizovanog kriminala i korupcije, kao i vanjskim odnosima i temeljnim pravima.

Evropska komisija je redovno pratila napredak, uključujući onaj koji je na osnovu ulaznih podataka od tehničkih misija proveden uz pomoć eksperata zemalja članica EU.

U aprilu 2010. godine, Evropska komisija je provela detaljnu ocjenu postignutog napretka Albanije i Bosne i Hercegovine, koju je dostavila Evropskom parlamentu, Vijeću i vlastima u ovih zemalja. Zaključci su omogućili da se danas nastavi sa prijedlogom odobravanja bezviznog režima ovim zemljama. Sada je na Evropskom parlamentu i Vijeću Evropske Unije da donesu konačnu odluku o prijedlogu Evropske komisije.

Da li će Evropska komisija nastaviti da ocjenjuje provođenje preostalih uslova?

Znatan napredak ja ostvaren i samo je ograničen broj uslova još neispunjen. Realno je očekivati da će i ovi uslovi uskoro biti ispunjeni. Što se tiče Crne Gore i Srbije u prijedlogu od 2009. godine koji pokriva tri zemlje, ocjenjeno je da je napredak koji je postignut dovoljan za predstavljanje prijedloga, ali da će biti usvojen tek kada svi uslovi budu ispunjeni.

Paralelno sa razmatrenjem prijedloga u Evropskom parlament i Vijeću, Evropska komisija će nastaviti da ocjenjuje provođenje preostalih uslova za Albaniju i Bosnu i Hercegovinu i pravovremeno će dostaviti svoju ocjenu Evropskom parlamentu i Vijeću.

Biti će neophodne ekspertske misije kako bi provjerile napredak ostvaren u ispunjavanju preostalih uslova. Vremenski rokovi će morati biti potvrđeni sa vlastima ovih zemalja na osnovu napretka o kojem budu izvještavali.

Za Albaniju, preostali uslovi su vezani za:

- razvoj strategije i politike za podršku reintegracija albanskih povratnika;
- jačanje kapaciteta za provođenje zakona i efikasna primjena zakonskog okvira za borbu protiv organizovanog kriminala i korupcije, uključujući i raspodjelu adekvatnih ljudskih i finansijskih resursa;
- efikasna primjena zakonskog okvira u oblasti konfiskacije imovine stečene organizovanim kriminalom.

Za Bosnu i Hercegovinu, preostali uslovi su vezani za:

- jačanje kapaciteta za provođenje zakona i efikasna primjena zakonskog okvira za borbu protiv organizovanog kriminala i korupcije, uključujući i raspodjelu adekvatnih ljudskih i finansijskih resursa
- progresivna primjena akcionog plana iz marta 2010. godine o uspostavljanju elektronske razmjene podataka između organa policije i tužilaštva;
- usklađivanje krivičnog zakona na entitetskom nivou i nivou Brčko distrikta sa državnim krivičnim zakonom.

Da li je Evropska komisija zabrinuta zbog posljedica vizne liberalizacije u smislu povećanog broja lica koja traže azil u EU?

U ovoj fazi Evropska komisija smatra da problemi sa kojim su se suočile neke zemlje EU posljednjih mjeseci u vezi povećanog broja lica koja traže azil su više bili **izolovani slučajevi** zbog manipulacija i lažnih informacija koje su pružale neke krijumčarske mreže stanovnicima najsiromašnijih opština u nekim balkanskim zemljama. Velika većina ovi zahtjeva za azil je podnesena zbog ekonomskih interesa.

Evropska komisija radi zajedno sa vlastima ovih zemalja članica EU kako bi riješila situaciju i takođe dala podršku široj informativnoj kampanji na lokalnom nivou da bi objasnila ograničenja bezviznog putovanja za kratke boravke. Osim toga, Evropska komisija će nastaviti podršku mjerama i programima usmjerenim na ekonomski razvoj slabije razvijenih regija tih zemalja.

U svojim kontaktima s Albanijom i Bosnom i Hercegovinom, Evropska komisija sistematski naglašava potrebu za poduzimanjem potrebnih mjera kako bi se ograničio sličan priliv osoba koje podnose neosnovane zahtjeve za azil. Zemlje su odgovorile na brz i efikasan način pokretanjem opsežne javne kampanje s ciljem da pravilno objasne svojim građanima važnost kratkoročnih bezviznih putovanja i šta to podrazumijeva, posebno upozoravajući protiv zloupotrebe u svrhe koje su nespojive s bezviznim putovanjem.

Kakva je situacija u pogledu drugih građana zemalja Zapadnog Balkana?

Bivša Jugoslavenska Republika Makedonija, Crna Gora i Srbija

Građani Bivše Jugoslavenske Republike Makedonije, Crne Gore i Srbije su izuzeti od kratkoročnih viznih obaveza od prošle godine. Ukidanje viza se primjenjuje od 19. decembra 2009. za one koji imaju biometrijske pasoše.

Kosovo

Što se tiče stanovnika Kosova (pod UNSCR 1244-1299), u skladu sa Komunikacijom od novembra 2009. "Kosovo - ispunjavanje svoje evropske perspektive", Evropska komisija će nastaviti blisko saradivati s kosovskim vlastima, ispitati napredak u vezi pitanja readmisije i reintegracije i istražiti opcije za rješavanje pitanja viza u budućnosti.

Sporazumi o viznim olakšicama - Pregled stanja

SPRAZUMI NA SNAZI

<i>Zemlja</i>	<i>Potpisan sporazum</i>	<i>Stupanje na snagu</i>
Rusija	25. maj 2006.	1. juni 2007.
Ukrajina	18. juni 2007.	1. januar 2008.
Bivša Jugoslovenska Republika Makedonija*	18. septembar 2007.	1. januar 2008.
Srbija*	18. septembar 2007.	1. januar 2008.
Crna Gora*	18. septembar 2007.	1. januar 2008.

Bosna i Hercegovina

18. septembar 2007. 1. januar 2008.

Albanija

18. septembar 2007. 1. januar 2008.

Moldavija

10. oktobar 2007. 1. januar 2008.

*Oni koji posjeduju biometrijske pasoše su oslobođeni viznih obaveza od 19. decembra 2009.

PREGOVORI U TOKU/ZAVRŠENI

Gruzija: Evropska komisija predložila zaključke o sporazumima o viznim olakšicama i readmisiji 5. maja 2010.

Cape Verde: Pregovori u toku

Kontakti

Michele CERCONE

michele.cercone@ec.europa.eu

+

32 (0) 229 80 963

Tove ERNST

tove.ernst@ec.europa.eu

+ 32 (0) 229 86 7643